

PROSECUTIO CRISEOS

IN CONCLUSIONEM IV.

Vindicatur sibi Sanctus Bernardus.

Mirificum est Theologi nostri ingenium. Nunc, instar pellæi Juvenis, res nodosissimas Tenediâ fecat bipenni, tum, cum videlicet planum iter obstructum est, nodos in scirpis querit. At festucas ab ægroto legi, vel chondrillæ flosculos decerpi, Medicis desperatæ vitæ indicium est. Heroico nuper ausu nova bella ciens, vomerescque in gladios constans contenderat in NOTIS suis, dilutis SPONGIA nostrâ, Janseñum Propositionis hæreticæ, à Tridentina Synodo profligatæ, desponsatorem esse. Depromptâ à Bellarmino sectariorum, quam Concilium prostravit, sententiâ, evici, verba eorum, & sensum, à Janseñi dogmate, velut aquas Maræ & Silôes, dissidere.

Effugium inurbanum, quod captarat Theologus in ASSERTIONE NOTARUM, interjectis uncis adulterinis, qui evidentissimum Authoris sensum crudelitatenâ dilacerabant, convulsam, comminutamque fuit, locis variis gloriosi Scriptoris meridiano jubare clarioribus accumulatis.

Prætermisso jam, aut tacitè semoto disputationis cardine, quem in erundâ ex ipsiusmet Janseñi verbis Janseñianâ sententiâ versari vel cæcus videt, in subnatas liticulas præcipuè effundit.

Intrepidè nimis in (a) Assertionem suâ percunctatus fuerat, *auderemne negare, vocem eam*, Dei præcepta homini justificato ad observandum esse impossibilia, *apud sacræ Antiquitatem extare nusquam*? Quamvis ad scopum directè nobis præfixum non magni interesset, ausurusne id essem, an secus, ausus sum tamen, & indigitavi locum Bernardi 50. Sermonem in Cantica, locum sanè, si avulsus spectetur, immitem prorsus, & omni Janseñiano cruditiorem multis parasangis.

Verum dexterâ suâ ac plumbeâ nonnihil gladiatorîâ eludere illum tentat Theologus, ac dividere pro objectione, quam Bernardus, si credimus illi, etiam (b) DATA OPERA REFUTAT. Hæreo, quod non magis reformidet censuram publicam, cæteroquin satis delicatus, aut an me, & Lectores nostræ, ac Bernardi, pepones, stipites, fungos autumet. *Malum* (inquit, allegato Bernardo) *quod ad fontem unde verba desumpta sunt, mihi & cuilibet pateat accessus.* Certè malum, mi Theologe, sed ædèpol in caput tuum. *En igitur*, ait, *disartum Bernardi integrum,*

vel potius per me ilico integrandum. "Est (inquit Bernardus) charitas in actu, est & in affectu. Et de illa quidam, quæ operis est, puto datam esse legem hominibus, mandatumque formarum. Nam in affectu quis ita habet ut mandatur? Ergo illa mandatur ad meritum, ista in præmium datur. Cujus initium quidem profectumque, vitam quoque præsentem experiri divinâ posse gratiâ non negamus, sed planè consummationem defendimus futuræ felicitati". Quibus verbis, (ait Theologus) mellissius Predicator contendit, dicendum non esse, præcipi nobis in hac vita consummationem charitatis, quam ipse affectualem vocat, sed eam in futuram reservari pro præmio. Non contendit, mi Martine, sed putat. De illâ, inquit, quæ operis est, puto datam esse legem hominibus, mandatumque, formatum; aut si in voce defendimus aliquid pro te mysterii latere existimas, absterget illud, si adire libuerit, Calepinus tuus.

Quia tamen erant, inquis, qui aliud mallent, nolens acrius cum eis contendere, paratus est hoc in ipsis pati, modo ipsi vicissim concedant aliud. Hic tuo te gladio incipis jugulare: hoc enim aliud, quod sibi concedi secundum te Bernardus postulat, est ea ipsa, quam assignavi propositio, ut mox videbis. "Aut si placet tibi, (Bernardi verba sunt) magis de affectuali datum fuisse mandatum, non inde: contendo, dummodo acquiescas et tu mihi, quod minimè in vita, ista ab aliquo hominum possit vel potuerit adimpleri".

Fingit Bernardus adesse sibi comitem, qui velit & propugnet mandatum illud de affectuali etiam charitate atque magis de illa debere accipi. Quid Bernardus ad hæc? Non contendo, inquit. Velut si in antecessum Theologo nostro statuisset obistere, & os illi obstruere: tu dicis me contendere, non contendo, ait Bernardus. An hæc, amabo jam, refutantis verba sunt, & quidem datâ operâ refutantis?

Sed arrectâ mente auscultemus sequentia, & modò saltem Homerum dormitasse noscamus. Non inde contendo (ait Mellissius Doctor) dummodo acquiescas &c. Concedit comiti explicationem suam, sed ista conditione ac lege, ut & aliud sibi per conventionem concedat. Quod istud aliud? Dummodo acquiescas & tu mihi, quod minimè in vita ista ab aliquo hominum possit, vel potuerit adimpleri. Hæc igitur, & quæ sequuntur, non amplius socii disputantis, sed solius Bernardi verba sunt. Quis enim (inquit) sibi arrogare id audeat, quod se Paulus ipse fateatur non comprehendisse? Probat sibi debere concedi, quod pacificeitur, cum nemo fidelis se supra Paulum efferre nisi typho turgentissimus sustinuerit. Prosequitur dein asseruatione terribilissimâ & formidabilissimâ: Nec latuit præceptorem, præcepti pondus hominum excedere vires: sed judicavit UTILE ex hoc ipso sua illos insufficientia admoneri, & ut scirent sanè, ad quem iustitia finem nisi pro viribus oporteret. Utique talis sermo apprime convenit reprobanti, vel, ut Theologus ridiculè jactitat, datâ operâ resutanti. Post hæc immediate Bernardus subtexit, quod allegaveram: Ergo mandando impossibilia, non pravaricatores homines fecit, sed humiles, ut omne os obstruatur, & subditus fiat omnis mundus Deo: quia ex operibus legis non justificabitur omnis caro coram illo. Ut integer ederetur locus, non oportebat refecare sequentia, quæ jam suppleo. Accipientes quippe MANDATUM, & sentientes defectum, clamabimus in salum, & miserabitur nostri Deus, & sciemus in illa die, quia non ex operibus iustitia,

qua fecimus nos, sed secundum suam misericordiam salvos nos fecit. Mandatum illud (inquit) quod vires nostras excedit accipientes, clamabimus in calum, ait in persona sua, ut manifestò ostendat, sibi & illam socii sui explanationem probari, è qua & tam profundæ humilitatis sensus, & tam salutis ad virtutem annulus, & orationis tam fervidæ ac tam suavis misericordiæ effectus seaturiant.

Quod & ex sequentibus, quæ perperam conatus est Theologus suam in causam trahere, eadem perspicuitate elucet: *Atque hac dixerim siquidem consenserimus æqualem legem fuisse mandatam, sicut consentimus, istâ videlicet lege, ut acquiescamus præceptum istud in hac vita adimpleri non posse, & esse impossibile.*

At hoc ipse negaverat (ait Theologus) quin & iterum negat: Ubi quæso? Dum addit: "Sed actuali id potius convenire, inde vel maxime apparere videtur", &c. Vah oscitantiam! an non decebat te, mi Martine, saltem voculâ prius expergesceri? An ea negantis & data opera resutantis est, ac non potius utrumque probantis, & unum alteri præferentis? Qui gemmas potiores habet, num aurum repudiat? Verè itaque probavit, laudavit, atque utilem judicavit Bernardus sententiam, quæ mandatam istud, de pleno cordis affectu intellectum, & præceptum esse & humanas vires excedere asseverat.

Mentem hanc à *Veteribus* illis, quos Theologus agnoscit, Augustino præsentim, Bernardus hausserat, cujus gravissimam doctrinam, abut, ut temneret, aut, quod multò admodum deterius est, datâ operâ refutaret. Quod verò subiungit Theologus, *Peteres præcepta illa dixisse præcepta improprie dicta*, commentitium est, aut certe demonstratum oportuit, non asserum.

Itaque concludo preceptorè, Bernardum tradidisse, Deum MANDANDO IMPOSSIBILIA non pravaricatores homines fecisse sed humiles, adeoque & potuisse Propositionem hanc, à solo matrice decerptam, veluti Jansenianam, damnandam fuisse, eodemque vel etiam retriore cauterio inuri.

IN CONCLUSIONEM V.

Unum Theologi effugium obsepitur.

Non ausus est (inquit) negare in Crisi sua Adversarius sufficere ad damnationem, si quis dicat, *præcepta QUÆDAM Dei IUSTIS QUIBUSDAM esse impossibilia*: neque in eo solum litam fuisse hæreticorum Vesaniam, quod ad omnes Justos & ad omnia similiter præcepta hoc extenderent. „Hoc igitur sumendo, videamus” &c. Ecce aliud evagationis genus. Quâ lege, qua dialecti procedit hæc argumentandi methodus: *Non ausus est negare, hoc igitur sumendo* &c. Sic & assumas licet, Duci Othomannico restim apponi, Constantinopolim mutuâ cæde concidere, arque Imperatorium militem totâ Romanîâ potiri. Neque enim ego quidquam illorum inficiatus sum. Primò utique demonstrandum fuerat, debuisse me parergis istis responsum; ac si ad omnem salum extra oleas continuò tenerer succedere.

At

At quoniam in hoc diverticulum jam commigravimus, nego perquam exertè, ad damnationem sufficere, aut hæreticos per Concilium Tridentinum umquam damnandos fuisse, si dumtaxat primum præceptum, vel præceptum *Non concupisces* impossibilia servari dixissent: potuissent enim ad Veteres illos provocare, quorum honori Theologus supra pepercit. Verum nieritò ab Ecclesia percussì fuère, cum non formidarent asserere: *Æque nobis impossibilia esse omnia præcepta, atque illud NON CONCUPISCES*. Sed non opus est adversum hæc denuo armari Theologum. Nihil enim deliria ista adhoritam vel spartam nostram.

Propius ad chorum accedit, quod post improvidum assumptum subtexit: "Videamus (ait) an rectè neget Adversarius, Janseum simpliciter dicere; *præcepta quædam iustis quibusdam impossibilia esse*." Videlicet absolute, & non tantum secundum quid, ut cum Theologo Schola loquitur. Hoc certè negavi, & negabo in æternum, nisi magnus quidam Apollo arcana refectione dilucidè ac distinctè monstrarit. Intendamus, quid feret promissor Theologus. "Adfert multa" (inquit) *ut hoc evertat, ex capite illo decimo tertio lib. 3. de Gratia Christi apud Janseum*". Plura sanè quam viro cordato latis sint, & quam Tu malles Martine. Sed frustra, subdis. Cur frustra, amabo? Quo repentino fulgure strata sunt omnia, quæ tam operosè congestimus? Quia (inquis) *solum ostendis, quid alibi dicat Irenæus Episcopus, vel quid dicere tantum debuisse §. illo fatali, qui est secundus à fine, & incipit: HÆC IGITUR OMNIA; ubi habet propositionem damnatam. Cavillator! hoc, inquit, est solum ostendere, quid ALIBI dicat Irenæus Episcopus, cum teipso teste nihil produxerim nisi ex eodem illo famolo Capite, è quo litigio propositio dilacerata est? Deprome nobis ergo è Jovis cerebro modum sanctiorem, quo Authoris cujusdam sensus accuratius elici, dignosci, penetrari possit, quam perlustrato & excusso illo Capite, ubi quæstionem controversam sigillarim ac studiosè tradit. Quæ via rectior, aut fortunatior ad pervelligandam ejusculumque Scriptoris sententiam umquam à quopiam fuit inita? Quid igitur ambitur his versutiis? An fortasse voles per penetrationem characterum iidem illis lineis, quibus propositio disputata conscripita est, simul ejus explanationem densari? Si hoc non est desperatà causà ad vitiligatorum castra confugere, nihil capio.*

"Demus ergo (inquis) illi totum, quod contendit dici à Janzenio. Præcedentibus aliquot §§. solum dicat Scriptor infelix, *Esse quædam homini præcepta, secundum statum & vires in quibus constitutus est, impossibilia*: ubi videri posset, minus peccasse, dum impossibilitatem istam hoc termino limitat, *secundum statum & vires in quibus constitutus est*. Dicat deinde plura alia, in quibus vel nihil, vel parum peccasse possit, puta dum non de Justis, sed de peccatoribus, præsertim obsecratis & obduratis vel infidelibus loquitur, de quibus hoc loco non est quæstio; dum item de *impotentia*, vel quodam *non posse* dumtaxat agit". Quid hoc est, nisi palmam dare, & fateri se victum? Arripimus universa, & viatrice lauro triumphum canimus.

At ne albos equos festinatò nimis expeditamus, obmurmurantem adhuc semel Theologum audiamus: "Dum certè ad §. illum fatalem vent, *Hæc igitur omnia, SEIPSO MAJOR, ET OMNIA PRÆCIDENTIA SUPERGRESSUS*, ex antecedentibus non per omnia probis, sed tamen minus improbis concludit, quod ante

anteipsum Tridentinum & Patres, & post Ecclesia Romana cætero orbe Catholico adficiente, diffimè improbavit. Ventosa, rancida, & cassa verba, nugæ, geræ meræ, fascini ad lectorum incautorum oculos præstigio obvelandos. Ne hilum est veri in pigmentata illa pericope: *seipso major & omnia præcedentia supergressus*. Simpliciter & nudè colligit scriptor felix infelicitate sua, contextit, coadunat, quæ antea per partes separatim ac sparsim dixerat. Solaribus radiis rem illustro.

Paragrapho quarto famosi capitis insulerat ex Augustini Doctrina. *Esse quædam homini præcepta secundum statum & vires in quibus constitutus est impossibilia*. §. 6. dixerat, hanc impotentiam reperiri non solum in excacatis, & obduratis, & infidelibus, sed etiam fidelibus & iustis, qui & fidem Christi & charitatem iustitia susceperunt. §. 7. monstrat, hanc impossibilitatem fidelibus accidere, non tantum quando nolunt præcepta facere, sed etiam quando volunt. Quod ubi adhibito exemplo Petri Apostoli (qui, ut ait Augustinus, putabat se posse quod se velle sentiebat) fusi per multos articulos habuit defectu viritum, quæ per divinam gratiam infirmæ voluntati affundi debent, demum paragrapho 14. omnia seorsim probata consarcinans litigiosam edit periodum: *Hæc igitur omnia plenissime & planissime meque demonstrant, nihil esse in S. Augustini Doctrina certius ac fundatius, quam esse præcepta quædam, quæ hominibus non tantum infidelibus, excacatis, obduratis, sed fidelibus quoque & iustis volentibus conantibus secundum præsentem quas habent vires sunt impossibilia*. Ac, ne quo sensu hæc traderet cuiquam luscitioso ambiguitas emergere posset, mox in memoriam denuo reducit exemplum Petri, quod ante multis diduxerat, additque, *illam talia præcepta (V. G. subeundi martyrii) Implendi difficultatem inde proficisci, quod vires voluntatis infirma sint, propter concupiscentiam à volendo bono retrahentem, cujus renisu fit, ut vires voluntatis distrabantur, atque ita homo non plenè velit, non integrè velit, non totà voluntate velit*. Hanc vero sibi tribuere non esse potestatis humana, sed solius gratiæ Dei, quam propterea assidue ex fide invocamus. Possitne aliquid edici fulgentius ac radiantius? Et adhuc audet & ait Theologus: "Hoc sane loco nulla limitatio ad verbum impossibilia quod attinet. Neque istud secundum præsentem quas habent vires vocem istam afficit & emollit, sed torret illas, quæ & hac emolitione non parùm egent: volentibus & conantibus. Simpliciter ait Author imprudens iustis quibuldam, quales describit, præcepta quædam Dei impossibilia esse." Quis ista terat! Totà Crisi nostrâ non aliud egimus quam eneluctabilibus Jansenii verbis liquido demonstrare, istud secundum præsentem quas habent vires afficere, & emollire vocem impossibilia, & ecce sine ulla refutatione locorum assignatorum, sine ulla probatione contrariâ, frigide nobis & languidâ manu regeitur: *Neque istud, secundum præsentem quas habent vires, vocem istam afficit aut emollit*. I nunc, & cum malis mulieribus altercari delige, quam cum istius astri Theologis ac Philologis.

Dispuceat professò Doctorem Lovaniensem Jansenio allinere sententiam omnimodæ impossibilitatis mandatorum Dei, quando jam & ipsos * Patres Societatis candidâ confessione asseverantes habemus: *Jansenium per id IMPOSSIBILIA non aliud voluisse significare quam impotentiam iustorum defectu gratiæ, neque ipsum hanc suam intentionem intra mentis abditi continuisse, sed declarasse evidentem in*
 B
 suo

suo volumine, & quidem hoc ipso loco, ex quo propositio prima descripta est. Dein allegatâ propositione litigiosâ cum iis quæ subsequuntur, en, inquit, quid intelligat Iansenius, quid significaverit per to IMPOSSIBILIA, impotentiam nempe tenentem se ex parte subjecti, non verò ex parte objecti quasi mandata in se contineant impossibilitatem Nonne satis clarè exprimitur impotentia subjecti? Vbi nam autem Iansenius innuit impossibilitatem impletionis tenentem se ex parte objecti, seu præcepti? Quod autem subjectum impotens sit defectu auxilii, quo superveniente potens fiat, fatetur Iansenius his verbis &c

Hortamur, ut hunc candorem ab novis amicis suis Academicus non refugiat mutuare.

Nescio porro, quid ad calcem conclusionis suæ musset, venarive velit ex postrema disputatæ propositionis parte, quam ipsum piget antea non attigisse. Certe illa indicat, inquit, quàm simpliciter in priori possibilitas quorundam mandatorum iustis illic descriptis negetur. Ubi hoc tandem indicat? DRESSE QUOQUE ILLIS GRATIAM QUÆ FIANT POSSIBILIA, inquit Iansenius. An hic forte subintelligit SECUNDUM PRÆSENTES QUAS HABENT VIRES? Quid cum enodi junco te divexas Theologe? Planus Iansenii enfus est: deest quoque illis gratia efficax, seu desunt vires illæ majores præsentibus quibus possibilia fiant. Quid hic arrosoni expositum esse potest?

IN CONCLUSIONEM VI.

*Eliditur captiosa distinctio inter non posse
& impossibile esse.*

Hic primum Theologus dimicat adversus monstrum quod sibi ultro & spontaneè confinxit, eidemque velut Hercules clavam objicit magnum illud discrimen suum inter *iussum aliquid non posse à Deo præceptum*, &, *idem ipsi impossibile esse*. At chymæram aggreditur pugil generosus, pernegatissimum quippe est, Iansenium simpliciter & nulla addita restrictione edixisse uspiam præcepta Dei esse homini iusto impossibilia, seu usum voce à Tridentina Synodo & Sanctis Patribus profigurâ. Unum hoc asseruit, esse quædam ex illis, quæ hominibus quibusdam iustis infirma voluntate præditis sunt impossibilia juxta præsentem vires. Si hanc enormem disparitatem non capit Theologus, sedentariæ meditationis antidoto medicandus est, donec nescio qua intemperie offusos cerebro vapores decoxerit.

Discrimen itaque, de quo inter nos disceptatur, non illud est, quod perperam & captiosè comminicitur, sed quantum E. G. intersit inter propositiones has ex una parte: *Præcepta Dei servatu impossibilia sunt sine gratia Salvatoris*, *Præcepta Dei servatu impossibilia sunt per vires naturæ*, *Præcepta Dei servatu impossibilia sunt per solam legis doctrinam*, & illam ex altera: *Præcepta quædam magna, quæ ut compleantur*

sur magnis gratia viribus opus habent, servatu impossibilia sunt per vires gratia tenues, quæ præsentis tempore dumtaxat adfunt.

Sic & licebit ad controversiam hanc disquirere, quantum intersit inter locutiones has: *Præcepta Dei impossibilia sunt injustis omni privatis gratia, & aliquid Præcepta Dei ardua, impossibilia sunt justis imbecillis, forti gratiâ ad evitendum in ista ardua destitutis.*

Vicissim licebit investigare quantum intercedat inter illam Augustini pericopen: *Cum fortis & potens voluntas injusti V. G. ad conversionem preparatur à Domino, facile sit opus pietatis, quod prius difficile atque impossibile fuit, & illam Jansenianæ cognatam: Cum fortis & potens voluntas justi V. G. ad martyrium preparatur à Domino, facile sit opus pietatis, quod prius difficile atque impossibile fuit.* Hæc intervalla accurato circino à Theologo dimensa & designata optamus.

Interea dum hoc operimur, liceat voluptatis ergo, ultra lepra, quibus Jansenium tuemur, nonnihil excurrere. Cum enim *animosus* pronuntiet à Theologo, decet me in hanc palæstram ingressum etiam superflua victoriâ potiri. Igitur ut Theologum nostrum omni armatura sua expoliam, propugno, apud Veteres non posse & impossibile esse eadem intelligentiâ usurpatum.

Clarum id est ex sententia Augustini jam allegata. Clarum ex loco Prosperii assignato superius, quo edixit: peccato subditos, *humiliatis per experimenta IMPOSSIBILITATIS suæ invenisse se sine adjutorio Dei NIHIL POSSE.* Clarum id denique ex argumentatione Viri Eruditi regesta ad Conclusionem secundam nostræ Criseos, ad quæ omnia, ne assidue magis ac magis abeamus à Mercurio nostro, primum non gravabitur Theologus respondere. Nec reddat denuo (precor) imbelles telum suum, locutos Patres illos solummodo de injustis; quia, de quibus locuti sint, quid attinet, si vocibus illis impossibile esse non subtraverint ideam absolutam impossibilitatis, sed impotentiam secundum circumstantias præsentis coercitæ, & aliis circumstantiis subeuntibus rescindendæ? Quod enim legem ferente, & rerum Universi hujus potente, arbitrium, & lex, & norma loquendi ad solos justos, seu in eorum solum gratiam, devoluta est? Apagæ strophas illas, nimium crasso filo textas, ut vel imperitis fucum facere, si velint, possint.

Sed *animose* etiamnum alius provehendum est. Ex firmissima sua munitione pellendus Theologus. Hanc fecit incumbere Tridentinæ periodo: *Deus impossibilia non jubet, sed jubendo monet, & facere quod possis, & petere, quod non possis.* Eâ ram indefinenter, & inconditè miles Plautianus exultat, ut jam pigeat ultra ferre. Itaque animi gratiâ contendo, non discevisse in ista periodo Tridentinum Concilium inter vocem impossibile, & vocem non posse. Non quod ex velitatione hac, ut satis evici, trophæa nostra religata sint, sed quod obstrepera illa bartologizantis Theologi serra contundatur, & molestæ gloriaciones isti sententiæ superstruæ in auras celeres evanescant.

Contendo igitur hunc esse sensum istius Tridentinæ periodo. *Deus absolute impossibilia non jubet, sed jubendo monet, & facere quod possis, & petere, quod tibi factum est impossibile.*

Quandoquidem vocem hanc ab Augustino Synodus mutuata sit, opinor, perspicue veritatis esse, genuinam verborum istorum ideam ex sensu & locutione Sanctissimi Præfatis arcescendam.

De:

Desumptus est locus è libro de Natura & Gratia, quem conscripsit Aquila Sacrorum Procerum adversus Pelagium, *Homini naturam contra Dei gratiam qua iustificatur impius, & qua Christiani sumus, quantia potuit argumentatione defendentem*, ut ait libro Retractionum secundo, c. 42.

Ac primò falsum est, quod Theologus confidenter (a) asseruit, sermonem illic haberi de iustis magis, quam iniustis, ut ex iis quæ præcedunt non dubitanter elucet. (b) *Quis nescit* (ait illic Augustinus) *hominem sanum & inculpabilem factum, & libero arbitrio, atque ad iustè vivendum potestate libera constitutum, sed nunc de illo agitur. quem semivivum latrones in via reliquerunt, qui gravibus sancius confossus, vulncribus, non ita potest ad iustitia culmen ascendere, sicut potuit inde descendere. Qui etiam, si jam in stabulo est, adhuc curatur. Non igitur Deus impossibilia jubet, sed jubendo admonet, & facere quod possis, & petere quod non possis. Iam nunc videamus unde possis, unde non possit, &c.* Contendo iterum, non posse &c., impossibile esse istic apud Augustinum confundi, seu converti, ut Philolophis loqui placet. Propugno, sicut dixit, non ita potest, phrasi sua loquendi & juxta ideas suas potuisse dicere non ita possibile est.

Ne hæc temerè jactare videamur, paulò post eodem libro de integro & lapsò homine comparationem faciens: (c) *De homine sanis pedibus* (inquit) *tolerabiliter dici potest, velit, nolit habet ambulandi POSSIBILITATEM: consiliis vero, & si velit, NON HABET.* Qui possibilitatem destruit, ut arbitror, impossibilitatem adstruit.

Rursus de lapsò homine differens: (d) *Cacus. puto, quod velit videre, sed non potest. Si autem vult & non potest, inest voluntas, sed amissa est POSSIBILITAS.* Quid manifestius enuntiari potest? Si enim possibilitas amissa est, ergo impossibilitas inest.

Æquissimam quoque hujus impossibilitatis causam commemorat 67. ejusdem Tractatùs capite: *Illa est enim* (inquit) *peccati pœna iustissima, ut avertat quisque quo bene uti nolit, cum sine ulla posset uti difficultate, si vellet. Id est autem, ut qui sciens rectè non facit, amittat scire quod rectum sit, & qui rectum facere cum posset nolit, AMITTAT POSSE cum velit.* Nam sunt revera omni peccanti anima duo ista pœnalìa, ignorantia & difficultas. Ex ignorantia dehonestat error, ex difficultate cruciatus affligit. Sed approbare falsa pro veris, ut erret in viis, & resistente atque torquentè dolore carnalis vinculi non posse à libidinosis operibus temperare, non est natura instituti hominis, sed pœna damnati.

Cupio adverti, in Augustini mente idem esse, quod vocat difficultatem, & quod vocat non posse. Explanans quippe quæ sit pœnalis ista ignorantia & difficultas fecit (inquit) approbare falsa pro veris, ut erret in viis (en quid apud illum sit ignorantia) & resistente dolore carnalis vinculi NON POSSE à libidinosis operibus temperare (en quæ sit illa difficultas) non est natura instituti hominis, sed pœna damnati. Porro, ut supra vidimus, non posse & non possibile seu quod in idem recidit, impossibile esse eodem apud ipsum alveo perveniunt.

His præmissis, ita remi conficio de Tridentina periodo in quæstionem adductâ. Augustinus in fine libri jam frequenter citati sententiam suam Tridentino inditam aliis verbis repetens ait: (e) *Eo quippe ipso, quo firmissimè crediatur, Deum justum* &

Et bonum impossibilia non potuisse precipere, hinc admonemur & in facilibus quid agamus, & in difficilibus quid petamus. Tantumdem enim est, ac si dixisset: eo ipso, quo firmissimè creditur, Deum iustum & bonum impossibilia absolute non potuisse precipere, hinc admonemur & in facilibus, quid agamus, & in difficilibus seu impossibilibus quid petamus. Consonat enim hæc phrasis illius, cum illa altera jam aliquoties ingeminata: Facile sit opus pietatis, quod prius DIFFICILE ATQUE IMPOSSIBILE FUIT.

In hoc etiam idiomate Augustinus fidelem interpretem suum Jansenium successorem habet, qui post editam propositionem litigiosam ipsissimo illo articulo nullis interjectis subdit, istam præcepta quædam quandoque implendi impossibilitatem *Sancti Petri exemplo, alijsq; multis quotidie manifestam esse, qui tentantur ULTRA QUAM POSSINT SUSTINERE, nec illam implendi talia præcepta DIFFICULTATEM inde proficisci, quod actus implendi debeas esse supernaturalis &c.*

Quid liquidius, quam *impossibilitatem, non posse, difficultatem*, penes Jansenium & Augustinum converti, adeoque celebratissimum, &, dum nox diem sequetur, celebrandum auctorem, velut integerrimum Magni Augustini unâ cum Tridentino Concilio sectatorem habendum esse, nec nisi imperitissimâ calumniâ velut alterius corruptorem, alterius impugnatores (quod facit Theologus) traducendum.

Demum apertissimæ denuo falsitatis est, quod ad calcem Conclusionis suæ solenni jam confidentiâ subtexit: *Tridentinum ubique STUDIO DE SOLIS JUSTIS AGERE, atque ab iis impossibilitatem præceptorum removere.* Contrarium manifestè evincitur ex eo ipso Canone 18. sessionis 6. quem nescio qua mentis caligine suam in rem proferre Theologus non erubuit. Canon habet: *Si quis dixerit, Dei præcepta homini ETIAM JUSTIFICATO, & sub gratia constituto esse ad observandum impossibilia, anathema sit.* Num istud lingua Theologi nostri *de solis justis de.olvere* est? Num, qui dicit Theologos, etiam Lovanienses, à se mutuo dissidere, penes solos Lovanienses dissidia fervere decernit? Anceps sum, quas tandem loquendi formas nobis ex adulatotiâ suâ officina Magister noster nugivendus pro-cudet.

IN CONCLUSIONEM VII.

Exploditur gratia Thomistica sufficiens.

QUæ de Wendrockii Dialogo hic iterum promittit Theologus, ut nebulas incautis objiciat, cum cæteris ejus plerisque impertinentia ac parerga sunt; quia nulla inter nos rixa est de *possibilitate* quadam remota, trito totius orbis idiomate confirmatâ, sed de mira quadam & exotica gratia *sufficiente* Thomistica, quæ non sufficit. Tamen si essentiam ejus, saltem quem admodum à Theologo nostro depingi videtur, non velimus rejectam, nomenclaturam tamen insigni absurditate deliram arguere non dubitamus. Nequaquam

hic igitur disputatur, quò modò *gratiam Thomisticè sufficientem Theologus explicet*, sed an explicata modo quocumque sine ineptia vocari possit *sufficiens*. Hoc negamus.

Porro, nuncupationem illam ludricam à Montaltio risu exceptam, nescio qua vertigine Theologus noster inficiari sustineat. Quid? An non est risu excipere nomenclationem istam, dum miserabilem neo-Thomistam illum compellans quaerit: (a) *Non satis est, mi Pater, si adsit omnibus POTESTAS PROXIMA, per quam tamen nihil agent, requiritur praterea GRATIA SUFFICIENS, PER QUAM AGANT NIHIL MAGIS? Haccine vestra schola sententia est?* Atque, dum compellatur ita respondendum inducit: *Isthaec ipsa est, quin illam mane in Sorbona vob quam pulchrè exposui! totam ego semihoram implevi, ac nisi per cleftydram scetisset infandum illud dictum exterminassem, jam Parisiis pervulgatum: NUTU SENTENTIAM DICIT, QUASI MONACHUS IN SORBONA.* An non joculari est, dum eundem Dominicanum aggreditur in hunc modum, *Videsne, mi Pater, hoc te dicere: Habent omnes gratiam, qua satis sit, nec tamen habent gratia quod satis sit, habent gratiam, qua sufficit & non sufficit, aut, si velis, qua verbo sufficit, re non sufficit.* An non est ridere, cum demum concludit: *Certè, mi Pater, si quid in Gallia possem, hoc curarem publice à praconibus predicari: NOTUM OMNIBUS ESTO, CUM OMNIBUS ADESSE GRATIAM SUFFICIENTEM DOMINICANI DICUNT, ID EOS SIGNIFICARI VELLE, NON OMNIBUS ADESSE GRATIAM QUAE REVERA SUFFICIAT.*

Longè aliud est de *posse Wendrockiano*, quod tam omnium gentium vulgato sermone descenditur, quam illud *insufficienter sufficiens* omni sensus communis lumine repudiatur.

Queritur ergo, vocem, omnibus innatis notionibus repugnantem, nec nisi politico cuidam contentui, vel decipiendis imperitis, ac Molinisticè demum gratiæ inferendæ, idoneam, in Lovaniensem Academiam jam intrudi, Majorumque terminos, quos Scholæ istius quondam celeberrimæ Patres posuerunt, & quos imprudens Theologus silere non potuit, transiliri.

Nihil enim ad oblevandam vocis turpitudinem confert; quod addatur *Thomisticè*; nec enim magis licitum delirare Thomisticè, quam Scotisticè. Age sodes, dic mercatorem, qui solis florenis mille potitur, habere nummos sufficientes ut domum magnificam exædificet, vel navem onerariam in Indos expediat; dic famelicum, qui unciam panis tenet, habere cibos sufficientes, ut ravidum venirem explicat, dic nudum, cui sola femoralia adsunt, habere vestes sufficientes, ut corpus contegat, emoriar, nisi omnes te Anticyras ablegandum censeant, ut bono belleboro curatus redeas ad sanam mentem.

Cæterum, si vobis desipere statutum est, desipite vestris in pulpitis, quantum libuerit, numquam efficietis, quin totus mundus explosâ Thomisticâ illâ *sufficiency* (ita tamen malè nuncupatâ, cum D. Thomas nihil ejus meminert) semper, & ubique, cibos, vestes, pecunias Molinisticè sufficientes, deamet.

Rogatus Theologus fuerat, ut apertè edissereret, in quo præciæ consisteret essentia mysteriorum illius gratiæ Thomisticè sufficienter dictæ, eandem (nisi multum fallamur) in Augustino & Jansenio limpide demonstrandam.

Jam non obscure musitat, eam cōincidere cum gratia illa *excitante*, quam *Maiores nostri* (inquit) *apposuit admodum describunt in censura sua ad Assert. VIII.* Hæc sunt verba Majorum, ipso quidem citante: *Non aliud est (gratia excitans enarrata) quam interior quadam suasio, qua ut vehementior sit, magisq, quam exterior commoveat, & imperfecta quadam desideria, seu velleitates, excitare possit, cordis tamen conversionem non operatur, quin consistere cum eâ gratiâ tota ipsius cordis durities rebellioq, potest.* Suidet ergo tantum non persuadet, adjuvatq, sed hætenus tantum, ut benefacere quisque possit si velit: non autem ut absolute velit, ac bene operetur, bonusq, ex malo fiat. ITA ILLI.

Necum pervenerat ad animum meum Eximia ista methodus ritè expiscandi mentem aliorum iis in locis ubi adversariorum suorum sententiam dumtaxat deducunt, explanantq, copiosius. Talis est enim locus hic à Theologo è *Censura* decerptus, ut cuius claruisset ad oculum, nisi oscitanter vel subdole præcedentia secuisset. Nam (inquiunt) *excitans illa gratia, qua in ASSERTIONE per praveniens auxilium in actu secundo intelligitur, non aliud est quam interior quadam Dei suasio, &c.* quæ mox allegata sunt.

Quandoquidem à Janzenio gratiam jam delineatam, quæ desideria illa imperfecta seu velleitates quasdam dumtaxat excitet, admissam esse, nemo valeat ambigere, qui libros ejus vel salutarit à limine, exactam, & verbis suis expressam gratiæ suæ Thomisticæ vel Martinianæ sufficientis definitionem expectabimus à Theologo, ne adversus ipsum sive in incertum currendo, sive aërem verberando pugnemus.

Per Conclusiones ejus sequentes *Disquisitionem* directè impeti deprehendimus, quapropter ne falcem mittamus in alienam messiem, & Viro Erudito adorem suam præripere coarguamur, transulcum facimus.

IN CONCLUSIONEM XIV.

Augustiniana loquendi phrasis Prosperianæ præponitur.

QUò cavillationes in quintam Propositionem per Theologum nostrum intortæ dissiliant, atque effugia furim caprata penitus obstruantur, denuo cardo rei, quem semper velut anguem pressum Theologus refugit, nostris lectionibus præfigendus est. Hic vertitur in hoc poite: quæ sit idea genuina & naturalis harum phrasum: *Pro aliquo mori, pro aliquo sanguinem fundere, pro aliquo sese lytrum ac redemptionem dare.*

Vidum fuit Janzenio post Augustinum: (a) *Phrasim*, quæ quis dicitur se pro aliquo redemptionem dare, *pro se ferre, redemptionem, ex redimentis animo, in usum ac liberationem captivorum offerri ac dirigi.*

Econverso contendit Theologus, (b) *Modum loquendi Prosperi* MAGIS NATURALEM ESSE, quò Sanctus hic vult: Christum relictissimè dici Salvatorem pro totius mundi redemptione crucifixum, propter veram humana natura susceptionem, & propter communem in primo homine omnium perditionem, tamen omnibus illis Crucifixi

elixa mors non profuerit, adeoque ex intentione redimentis (quæ inanis non potest esse) nec oblata fuerit, nec directa.

Tam est abscondita hæc Theologi machinatio, ut si ad lippos tonforesque aut olitores iudices concertatio nostra devolveretur, non immunis à sannis ac forte nec à pugnis abscederet, qui notiones lucidissimas, humanæ menti ingenitas, universâ normâ loquendi usitatas ac tritas, enuntiandi formulæ, ut minus dicam, maximè improprie, postponere non reformidat.

Quis, nisi perquam præfractæ vel emotæ mentis, dixerit, naturalem, & quidem magis naturalem loquendi formam esse, qua edicatur sædalis alter pro altero persolvisse, si dumtaxat aliqua effecerit, quæ mutatis circumstantiis ad solutionem faciendam conferre poterant, tamen neque absolutâ voluntate prioris, neque posterioris utilitate, ulla solutio consecuta sit.

Cum hæc absurditas sano & acri Janseii iudicio multò esset clarissima, tamen, quâ ferebatur in Patres reverentiâ, non fastidiosè & arroganter, sed modellâ transiitione semovit sententiam Prosperi, ut genuinam Sancti Patris Augustini tum antiquioris, tum citra invidiam doctioris, atque auctoritate pollentioris sufficeret. Nihil est his exploratius perlegenti Capitulum Lugiolum.

Tædet me, vereorquæ ne pertædeat Lectores meos hanc crambem denuo recoctam apponi. Cum initio Capitis illius vigelimi questus esset Janseius: Recentiores pro gratia sua sufficienti trita & obsoleta Massiliensium arma colligere ac recudere, videlicet, quod *Christus omnium Redemptor sit, adeoque omnibus sufficientem gratiam preparavit, quam qui vellet arriperet aut abjiceret, atque operationem ejus consentiendo aut dissentiendo fructuosam aut cassam redderet pro sua libero arbitrio voluntatis*, (a) Nil mirum (inquit) iis Recentioribus videri debet, si istem argumentis, quibus Massilienses usi sunt, easdem Augustini & Prosperi solutiones opponamus. Hoccine est fastidiosè submovere sententiam Prosperi? Respondeo igitur, quando *Christus ab Apostolo dicitur REDEMPTIONEM SEMETIPSUM DEDISSE PRO OMNIBUS*, in Cruce videlicet pro omnibus moriendo, ab aliquibus intelligi, quod se dederit redemptionem seu ἀντίλτρον, id est pretium pro omnibus omnino sufficienter, quia sufficiens pretium obtulit, non tamen pro omnibus omnino efficienter, quia non omnibus applicatur ista redemptio, idq; juxta regulam à Sancto Prospero diversis in locis traditam. Hoccine est fastidiosè submovere sententiam Prosperi? Et in fine ejusdem paragraphi: *Solutio ista facilis est, ex qua nullo modo sequitur, sufficienter adiutorium omnibus ex tali redemptione omnium esse preparatum*. Hoccine est fastidiosè submovere sententiam Prosperi?

At, inquit Theologus, fastidiosam rejectionem paragraphus sequens exhibet. Videamus illum.

Sed quia in istis verbis aperte proficitur Prospero REDEMPTIONIS PROPRIETATEM band dubie penes illos esse qui sanctificantur in sanguine Christi, & quia ipsa phrasis qua quis dicitur se pro aliquo redemptionem dare, præ se ferre videtur redemptionem ex redimentis animo in usum ac liberationem captivorum offerri ac dirigi, quæ oblatio ac directio Christi inanis esse non potest, & quia aliquam etiam pro damnationibus se dedisse redemptionem dici posset, quibus redimendis sine dubio pretium sanguinis ejus est sufficiens. ac denique quia Prospero antiquior ac doctior Augustinus nunquam in scriptis suis fatetur, Christum pro omnibus, nullo excepto, se dedisse redemptionem,

vel

vel crucifixum esse, vel mortuum, sed tantummodo pro illis quibus mors ejus profuit, qui certo modo multi & omnes sunt, hinc genuinus verusq; respondemus, Christum dici SE DEDISSE REDEMPTIONEM PRO OMNIBUS, hoc est pro universa sua Ecclesia toto orbe dispersa, & consequenter pro omnibus hominum generibus, regibus, privatis, nobilibus, ignobilibus &c. Prout superiori capite ex Augustino declaravimus, itemq; PRO OMNIBUS, hoc est pro hominibus omnium nationum, linguarum, & gentium, Indis videlicet ac Gentilibus, ex quibus congregatur universus populus Dei, secundum istud Apocalypso: REDEMISTI NOS DEO IN SANGUINE TUO, EX OMNI TRIBU, ET LINGUA, ET POPULO, ET NATIONE. His continentur omnia quæ Prosperum hic concernunt, quibus quid potest esse moderatius? Quid isthic, quælo, quod alicujus justitiæ specie Momus aliquis vel Zoilus reprehendat? An è binis loquendi formulis alteram eligi veluti potiore? An maxime proprium fandi modum anteponi improprio, ulitatum inusitato, naturalem & ingenitum violento? An Augustinum præferri Prospero, Magistrum discipulo, tam gloriosum Ecclesiæ Antistitem laico?

Quid, quod nec ipse Prosper, advertente Janzenio, in ista explicatione sibi multum constare visus sit: fatetur enim, Redemptionis proprietatem hand dubie penes illos esse, de quibus princeps mundi missus est foras, & jam non vasa diaboli, sed membra sunt Christi. Annuit, (a) Dici posse pro his tantum crucifixus, quibus mors ejus profuit, quæ ipsissima Augustini ac Jansenii sententia est.

Quapropter non malè quis censeat, explanationem illam minus invidiosam, sed etiam minus solidam, à Prospero mitigandis Augustini adversariis fabricatam.

Hæc autem mitigatio in Janseium non poterat cadere, qui non scribebat ut auctor, seu de suo novus Augustini defensor, sed ut relator, interpres, expositor, adeoque illicitum erat illi alienis ab Augustino suo explanationibus adhærere.

Provocat enim tacitè Janseium Theologum nostrum, ut, si possit, demonstret, dari (b) Locum ullum in universis Augustini operibus, ubi doceat, Christum pro peccatis infidelium in infidelitate permanentium esse propitiationem, vel pro illis se dedisse redemptionem. Cum non nisi Augustinianæ doctrinæ historicum se Janseius vendicat, necesse prorsus est, Janzenio-mastigen nostrum, si animos habet, huic provocationi parere. Faciat ergo periculum Dares iste, qui juvenilibus vitiliginationibus fretus, nostrum veteranum in Augustino Eniellum læcessit cæstibus.

Nos interea accedimus Viro Magno contraria probanti ex Augustino, divinisque litteris, per Doctorem apicem elucidatis. (c) Mundus, ait Augustinus, est plenitudo terræ, sicut dixit ipse Ioannes: non solum nostrorum propitatio peccatorum est, sed & totius mundi. Mundi dicit, OMNIUM FIDELIUM PER ORDEM SPARSORUM.

(d) Quam doctrinam (inquit Janseius) Sanctus Augustinus ex Sacris Litteris videtur didicisse, quæ frequentissime inculcant, Christum pro fidelibus suis, ovibus suis, populo suo salvando mortem subisse, Animam (inquit) meam pro ovibus meis. Et alibi: Redemptionem misit Dominus pro populo suo. Et Angelus ad Sanctum Joseph: Vocabis nomen ejus Iesum, ipse enim saluum faciet populum suum à peccatis eorum. Unde & ipse Dominus indicans pro quibus omni-

D

(a) Resp. ad cap. 9. Gall. (b) §. 4. (c) Tract. 5. in epist. Ioan. (d) §. 5.

omnibus sese redemptionem obtulerit, ait: *Exaltari oportet filium hominis, ut omnis qui credit in ipsum non pereat, sed habeat vitam æternam.* Et hos ipsos esse totum mundum seu omnes, pro quibus se redemptionem dedit, satis indicat, dum subiungit: *Sic enim Deus dilexit mundum, ut Filium suum unigenitum daret, pro eo videlicet redimendo.* Et quis ille mundus, pro quo Filium suum unigenitum dedit? *Ut omnis qui credit in eum non pereat, sed habeat vitam æternam.* Et Apostolus Paulus in epistola ad Ephesios: *Christus dilexit Ecclesiam, & se ipsum tradidit pro eâ, ut illam sanctificaret, mundans lavacro aqua in verbo vitæ.*

Atque istam Augustini sententiam deinceps confirmat calculus Lugdunensis Ecclesiæ, & Concilii Valentini: *Catholica fides tener* (* ait Ecclesia Lugdunensis) *& Scriptura sancta veritas docet, quod pro omnibus credentibus, & per gratiam baptismi ex aqua & Spiritu Sancto regeneratis, & Ecclesia incorporatis verè Dominus & salvator noster sit passus. De infidelibus vero eadem constantia desinit: ceteri hac & inaudita præsumptio, ut nullus hominum etiam impiorum & apud inferos irreversibiliter damnatorum fuerit, pro quo Christus passus non fuerit, cum pro solis illis defunctis passionem sustinuerit, qui eum, dum in corpore viveret, fideliter venerunt & mundum sua passione redempturum crediderunt. Hoc itaque est Catholicum, hoc fidei Ecclesiæ ab initio commendatum.*

Consonat his Concilium Valentinum: *De redemptione sanguinis Christi, propter nimium errorem qui de hac causa exortus est, ita ut quidam, sicut eorum scripta indicant, etiam pro illis impiis, qui à mundi exordio usque ad passionem Domini in sua impietate mortui, & æterna damnatione puniti sunt, effusum deficiant, contra illud propheticum: ero mors tua o mors, ero morsus tuus inferne; illud nobis simpliciter & fideliter tenendum ac docendum placet, juxta Evangelicam & Apostolicam veritatem, quod pro illis hoc datum pretium teneamus, de quibus ipse Dominus noster dixit: sicut Moyses exaltavit serpentem in deserto, ita exaltari oportet filium filium hominis, ut omnis qui credit in ipso non pereat, sed habeat vitam æternam.*

(i) Ex quibus omnibus (infert Janfenius) jam satis arbitror patere, argumentum istud, quo Christus pro omnibus passus & mortuus, vel redemptionem se pro omnibus dedisse dicitur, nihil omnino pro auxilio sufficienti omnibus, nemine excepto, suppeditando facere. Nec enim juxta doctrinam antiquorum pro omnibus omnino Christus passus aut mortuus est, aut pro omnibus omnino tam generaliter sanguinem fudit, cum hoc potius tamquam errorem à fide Catholica abhorrentem doceant esse respondendum.

Quid hic non ferrèa lege consequitur? Quid hic à veritate, & historia facti dissonum? An non perspicuè sunt S. Augustini, Ecclesiæ Lugdunensis, & Concilii Valentini sententiæ? Et tamen hæc sunt, quæ modestus Theologus noster admordet, ac (ipsis iterum majorem declamat Janfenius, evidentissimè non aliud quam Magistri sui Augustini & Conciliorum doctrinas summam narrantem. Veror equidem, ut illi propediem dentes à morsu stupeant.

Hoc est (infert) Sancti Prosperi viam negare, improbare, rejicere, ne dicam damnare. Placene, pauperculo demum aliquid ultro concedamus, ad leniendam nonnihil ubique se prodentem penuriam? Demus ergo gratis demptâ duritie terminorum, quod tam diuturna molitione ambit, non probatam à Janfenio viam Prosperi. Quid tum? Quæ vis illum compellebat probare viam istam? Quid hoc ad instituti ejus rationem, quæ non aliud ferebat, quam edere Augustinum?

Sed

Sed non contentus liberali nostra concessione Theologus majora postulat. *Revera, ait, cohibere me nequeo, quin credam ipsum putasse, hujus S. Patris sententiam, quæ mortem Christi bono sensu ad omnes omnino, nemine excepto, extendebat, à Concilio Valentino & Ecclesia Lugdunensi damnatam fuisse, quidquid alibi mollius de Prospero loquatur.* Author sum tibi, ut mentem & judicium pacatæ illius, quam ostentas, modestiæ, & attentæ prudentiæ cancellis sepias, & facile cohiberis. In via Prosperi veritas sententiæ ejus separanda est à forma loquendi. Veritas sententiæ est, * *Quod ad magnitudinem & potentiam pretii, & quod ad unam pertinet causam generis humani, sanguinem Christi redemptionem esse totius mundi,* hoc est, sufficiens fuisse pretium illius sanguinis pro toto mundo redimendo. Hanc nemo inficiatur. Forma loquendi ejus, ut se ab adversario suo expediat, vult hoc sufficere, ut Christus dicatur *pro omnium hominum salute & redemptione* passus & crucifixus. Illam loquendi formam non quidem damnavit discretè Concilium, sed cum Augustino, quem securus Jansenius, aliam inivit.

Accepit voces pro aliquo quidpiam facere juxta notionem vulgarem & naturalem, quæ menti nostræ instillat fixam in faciente intentionem, certamque volitionem, ut alteri proficit.

Utri ergo nobis jam potius adhærendum est? Penes lippos & tonfores, ut dixi, hujuscemodi examen esto.

Interea procul impostero ab auribus nostris stolidæ illæ nœniæ per obstinatum Theologum recantatæ: *Integrum non fuisse Jansenio à Prosperi via recedere,* Jansenio utique cujus scopus erat exprimere Augustinum, qui de viâ illâ ne somnnavit quidem, qui diametraliter oppositam tenuit, numquam videlicet exponens vocem *omnibus de omnibus omnino*, & qui superstes, ut non vana est conjectura, declinationes illas dilatas sui discipuli non magni pendisser.

Dein rur us ad mysteria sua, à se solo utique (præterea nemine) in quodam Tridentini capitulo conspecta Theologus desiluit. difficile est ingenio confidenti, præsertim titulis pompaticis, & variorum assentatorum fausta acclamatione incenso, à concepta opinione discedere. Nullus ambigo, quin adversus cavillatorem expositionem à me allegatam omnem librati judicii centorem convincant, ne per umbram concilium in isto capitulo evolutum voluisse ligiolum sensum istius periodi *Christus pro omnibus mortuus est.* quid hoc intererat? Quis hoc quærebat? Quis disputabat? Usa fuit synodus illis vocibus, prout iacebant in prato Scripturarum, adeoque ab omnium obstreperorum calumniâ tuis, securis, innoxis. Nullegitur edixit ambas has veritates: Christum pro omnibus quidem secundum Scripturas mortuum dici, non omnes tamen in individuo mortis ejus beneficium recipere. Remotissimum ab animo Concilii fuit, illic subtiliter dilquirere, ac minus definire, an prior propositio sonaret pro singulis generum, an generibus singulorum, an dimisso Augustino jam Prospero assumendus esset ab Ecclesia Catholica, ut Theologus nugatur, adeoque Theologis indictum, deinceps non recedere magis ab illa, quam à fide, & Catholicæ gremio unitatis. Quis in Concilio hæc animo versavit? Quis post Concilium meminuit? Quis ante Theologi nostri cavas imaginationes proferre ac tueri sustinuit?

Sed non satis est. Suo iterum mucrone, hoc est ipso Concilio Tridentino Theologus confodiendus est.

Notâ

Notā suā X. nuper probare volens, *Ecclesiam Christi his temporibus ita amplexam esse hanc Prosperi viam, ut merito censeretur debere illam fecisse suam, Concilium Tridentinum (alibat) sessione 6. agens ex professo de justificatione, atque adeo cap. 2. DE DISPENSATIONE ET MYSTERIO ADVENTUS CHRISTI, diserte ex Apostolo ita cepit istud sentiat: HUNC PROPOSUIT DEUS (Iesum Christum) PROPITIATOREM PER FIDEM IN SANGUINE IPSIUS PRO PECCATIS NOSTRIS, NON SOLUM AUTEM PRO NOSTRIS, SED ETIAM PRO TOTIUS MUNDI. Ne autem dubitare quā posset, quē sensu id intelligeret, nempe an pro singulis generum, ut vocant, an vero pro generibus singulorum tantum, mox ipso Capitis sequenti (cujus titulus est: QUI PER CHRISTUM JUSTIFICANTUR) initio ita prosequitur: VERUM ETSI ILLE PRO OMNIBUS MORTUUS EST, NON OMNES TAMEN MORTIS EJUS BENEFICIUM RECIPIUNT &c.*

Nego, vel Scripturam Apostoli, seu potius S. Joannis, intelligendam, vel à Concilio intellectam pro singulis generum.

Non ita intelligenda Scriptura est: quia, ut rectē * Ertius post Cyrillum, germanior illius loci sensus est: *Ipse est propitiatio pro peccatis nostris, id est, Judaeorum, ad quos Joannes scribebat, non pro nostris autem tantum sed etiam pro totius mundi, id est, sed etiam pro peccatis gentium toto orbe sparsorum. Ita ut hic locus consonet Evangelio suo, ubi ait Caiphā prophetasse. Quod Iesus moriturus erat pro gente, nempe Judaica, & non tantum pro eā gente, sed ut & filios Dei, qui erant dispersi, nempe per totum mundum, congregaret in unum.*

Suffragatur eidem explanationi S. Augustinus enarrante Janfenio. Nam Tractatu octogesimo septimo in Joannem, cum illa verba exponeret, *Si de mundo essetis, mundus quod suum erat diligeret, ita loquitur: Universe utique hoc dicit Ecclesie, quam plerumque etiam ipsam mundi nomine appellat, sicut est illud, Deus erat in Christo mundum reconcilians sibi; itemque illud, non venit filius hominis ut judicet mundum, sed ut salvetur mundus per ipsum. Et in epistola sua Joannes ait, Ipse propitiator est peccatorum nostrorum, non tantum nostrorum, sed etiam totius mundi.*

TOTUS ERGO MUNDUS Ecclesia est, & totus mundus odit Ecclesiam. Mundus igitur odit mundum, inimicus reconciliatum, damnatus salvatum, inquinatus mundatum.

Neque etiam aliter hic locus intellectus est à Concilio Tridentino, uti liquet ex verbis immediate præcedentibus, quæ acrius animadversa conceptum singularem Theologi dispulissent. *Cælestis pater, habet Concilium, pater misericordiarum, & Deus totius consolationis, Christum Iesum filium suum, & ante egerem, & legis tempore multis sanctis Patribus declaratum, ac promissum, cum venit beata illa plenitudo temporis, ad homines misit, ut & JUDÆOS, qui sub lege erant, redimeret, & GENTES, quæ non sectabantur justitiam, justitiam apprehenderent, atque OMNES adoptionem filiorum reciperent.* Et tum subjungit Scripturam, quam discutimus: *Hunc proposuit Deus propitiatorem per fidem in sanguine ipsius pro peccatis nostris, non solum autem nostris, sed etiam pro totius mundi.* Sensus est: huic enim secundum Scripturas proposuit Deus propitiatorem non tantum pro peccatis Judæorum, sed etiam pro peccatis gentium, qui toto mundo diffusi sunt. Nam hic textus hic subrexitur vice rationis, ut manifestum est. Adeoque, quod rem conficit, sensus eorum, quæ immediate sequuntur, *Verum etsi ille pro omnibus mortuus est; non*

omnes

* In cap. 2. epist. 1. Joan. v. 2.

omnes tamen mortis ejus beneficium recipiunt, non alius etiam est, quam, etsi ille pro omnibus, hoc est, omni hominum tam Judæorum, quam paganorum gente & natione mortuus est, non omnes tamen individui Judæi & gentiles mortis ejus beneficium recipiunt.

IN CONCLUSIONEM XV.

Loca Apostoli Theologo adimuntur.

Perstat denuo Theologus in expositione sua locorum Apostoli ad Romanos & Corinthios: *Et peribit infirmus in tua scientia frater, propter quem Christus mortuus est?* Noli cibo tuo illum perdere pro quo Christus mortuus est. Magnos & gloriosos animos difficile subjugabis. *Quæ ego dicta Apostolica (inquit) sic intellexi ut sensus foret: Christum pro fratre isto perituro mortuum esse, ad hoc ne is periret, nempe morte aeterna.* Pessimè adversus Augustinum, nec Augustinum modò, sed adversus fidem, adeoque parum abest, quin dicam, hæreticè sic intellexisti. Adversus Augustinum quidem, quia intentio morientis Christi irrita non potest esse, magno isto Patre denuntiante, * *Omnipotens velle inaniter non potest, quodcumque voluerit.* Et alibi: * *Non perit unus ex illis pro quibus (supple, ad hoc ne is perirent) mortuus est Christus.* Atque hæc sufficiunt ad propugnandum Janisenum Augustini interpretem, sed nequaquam ad infidelem propositionem pro meritis flagellandam.

Quæ enim Christianæ aures patienter ferant has horridas voces: *Peribit frater aliquis morte aeterna, propter quem Christus mortuus est, ad hoc ne is periret aeterna morte?* Ergo evacuata est oratio Crucis. Ergo falsus est Apostolus dicens: *Exauditus est pro sua reverentia.* Ergo concidit sermo æternæ Veritatis: *Ego scitabam, quia semper me audis.* An forte pro iis mortuus est, pro quibus non oravit? An datum est istâ morte aliquid efficacius orandi genus?

In hæc absque prolabi digni sunt, qui posthabito Doctorum aquilâ Augustino iniquitâ prurigne supra vulgus sapere affectant, & (quoddam Theologiæ lauream, miseris jam expositam, adepti sint) magnis illis Ecclesiæ luminibus tacitè semotis, etiam ipsi nomen aliquod decusque in Ecclesia gerere moliantur. Sed meminisse oportet Josephi istius, & Azariæ, ac Scripturæ Machabæorum: *Ipsi autem non erant de semine virorum illorum, per quos salus facta est in Israël.*

Tametsi enim, ut vellet Theologus, de perditione æternâ loca Apostoli assignata intelligi quoquo pacto possent (quod improbavimus argumentis ex ipso contextu delumptis, quæ cominus confertâ manu diruere debebat Theologus, non aliò fugere) absit tamen, ut hanc terrisonam sententiam ederent: *Peribit infirmus in tua scientia frater aeternâ morte, propter quem Christus mortuus est ad hoc ne illâ morte periret; sed tum sensus illius periodi germanus deberet esse: Peribit infirmus in tua scientia frater, propter quem Christus mortuus est, uti patet ex fide sanctâ quem tenes, & salutaris baptismi gratia quam recepit.* Quod si quis SCRUTATOR MAJESTATIS, & Consiliorum Dei ultra à Paulo quæreret, mortuusne pro illo Christus est ad hoc ne his pereat in æternum, an dumtaxat pro suppeditan-

dis temporalibus quibusdam gratis, replicaret: * *Quis cognovit sensum Domini, aut quis consiliarius ejus fuit?* Seu verbis Augustini: *Multum est à me, abyssus est, profundum Crucis est;* hoc est, replicaret: *Quod postulas, ignoro, non penetror, non capio, non investigo.* Tu fac quod tuum est, videlicet ne frater fidelis virtute mortis Christi sacris undis in salutem initiatus per te intereat.

Proinde rursus extra oleas nostras abeunt, quæ Theologus ingerit de Montaltio. Agit hic quippe vicissim de fidelibus fratribus, hoc est, Christianis baptismi fonte regeneratis. *Qui, inquit, ex Jesuitarum decretis FRATRES SVOS à crimine recentes interficiunt, bi tartaro dimittunt illos, pro quibus Christus mortuus est.* Rectissime ergo professus Montaltius, *PRO ILLIS DAMNATIS mortuum esse Christum, ac proinde non pro solis predestinatis mortuum esse, quod cum Janzenio amplectamur omnes, quotquot ubique sumus S. Augustini Discipuli.*

At iidem rejicimus commentationem Theologi multò absurdissimam, quâ Montaltii sermonem adulterat, ut *aperè censeatur professus pro damnatis (utique ne damnarentur) mortuum esse Christum.*

Ex his jam satis emicat solutio Conclusionis XVI. quæ tamen, quia *Disquisitionem* vellicat, Viri Eruditi victoriis reservanda est. Itaque

IN CONCLUSIONEM XVII.

Stabilitur similitudo nostra, & Theologi repudiatur.

Nihil hic obiciat singulare, præterquam confirmanda similitudo nostra, & Theologi repellenda. Hoc facili negotio perficimus in hunc modum.

Exemplum nostrum directè intuetur scopum seu punctum questionis, quid nimirum significet *PRO aliquo mori, PRO al'quo sanguinem fundere, vel quidquam aliud efficere.* Atque hoc omnino satis est ad comparisonem justam etiam ut non claudicat.

Porro quid hi termini attentè expensi apud omnem mentem rationalem insinuent, & quisque in se experimentum capere potest, & supra abunde, nimiumque, quam res tam clara flagitat, declaratum est.

Non agitur itaque, mi Theologe, inter nos, an *Tu post Prosperum consideres, quod pretium istud magnum sic oblatum sit, ut virtute ejus insignita sint media generalia, à quibus nemo hominum etiam reproborum conditione sua arceatur, quibusque pretium illud ex offerentis intentione omnibus APPLICARI POSSIT, sed an hæc justè consideres, relicto gravi Magistro secutus Discipulum: nos enim dicimus, particulam PRO non designare offerentis intentionem, ut pretium, pro quibus offertur, dumtaxat prodelle POSSIT, sed etiam proficiat.* Hæc ad tuendum exemplum nostrum.

E converso fallit, & toto, quod aiunt, cælo aberrat similitudo Theologi. Deberet quippe statui filius opulenti istius Viri gnarus & præcicus voluntatis paternæ, atque ita illam exosculans & observans, ut non possit non illam probare, amplecti, & totâ virtute induere. Talis enim erat dispositio morientis Salvatoris

erga voluntatem Patris sui, adeoque, si verum est, quod Augustinus ait, *Ecclesiam, si nosset, qui sunt illi, qui predestinati sunt in ignem aeternum ire cum Diabolo, tam pro eis, ut ab igne illo alieni essent, non oraturam, quam pro ipso Diabolo, quanto magis id verum est de Christo Sponso ejus, nisi forte velit Theologus, teneri Christum divinæ voluntati minus esse subditum, quam Ecclesiam. Quæ ista vincina impietati insulitas est?*

In Conclusionem XVIII. finalem & Apologeticam.

Diffiantur Theologi cætera.

Videri primùm posset ostentatæ sæpius modestiæ jam nonnulli Theologum piguisse. Tamen si, ait, initio dixerim, nihil me reposuerim ad dicteria SPONGIÆ; meritò tamen reposuero pauca ad accusationes, quæ videri possent dictetorum fundamenta. Enarratis fundamentis illis, multa commiserit plerumque extranea ad hanc Provinciam, quæ nos propterea levi penicillo perstringimus. Quod ait, *in Gallia neminem ad honores admitti, qui non simpliciter formulario subscripserit*, falsum est: nam in paucis admodum Ecclesiis, imò nec quoad pleraque beneficia in ipsa Parisiensi, formularii subscriptio vigorem habet.

Gloriatur se de Facto Janſenii differuisse ex oculari Operum Janſenii inspectione. Nil præstitit minus. Textus Janſenii Facto illi lucem rutilantissimam inferentes velut colubri faciem semper exhorruit.

Appellat deinceps denuo modestiam suam, sed cum involucri mysteriorum. Ferociant, inquit, ut voluerint; ego quam capiviam insistant constanter. *FATA VIAM INVENIENT. Satis dixi.* Hic analogica vel astrologica latent arcana, quibus OEdipo conjectore opus est; vel Delio natatore.

Post hæc exculpationes varias congerit, cùm Janſenium admordere aggressus sit, quarum nulla valet teruncio. *Quod Lovaniensis Academia Doctor sum*, inquit, id eo potius me impellere debuit, ut Janſenium refutarem, qui tunc Lovaniensis fuit. Id verò te impellere debuit; ut Academiae tuæ honori, & tanti Viri manibus parceres, nisi accusatio tua & Ecclesiæ Dei necessaria fuisset, & omnem evidentiam supergressa. At quam ingenti hinc distat intervallo!

Sed inquit, ut Janſenium refutarem.

Infelix puer, atque impar congressus Achilli!

Credidi, ait, etiam non majus piaculum fore, si quis Lovaniensis Lovaniensem refutaret Janſenium, quam si Wiggerium, quem omnes patimur æquo animo refutari. Bella iterum Doctoris nostri Janſenium inter & Wiggerium analogia.

Quod item, pergit, Ipris Canonicus fui, non minime mihi incitamento fuit, ut unde error venerat, inde veniret quaecumque erroris remedium. Pharmaca tua qualiacumque tibi sint circularor. Non medicatoribus istis tempus eget.

Adde quod inter Ipreses Episcopos non major mihi sit obligatio erga C. Janſenium quam v. g. erga G. Herinex. Inurbana & ingrata vox! sed mittamus illam. Canonicum quemcumque in Collegii sui Antistitem involare, eumque in Ecclesiæ perduellium castra protrudere, nisi causa, ut dixi, perquam sit manifesta & necessaria, horrendum est.

Sed

Sed quid ego his & subsequentibus parergis diutius immorër? Finio itaque, ut Theologus, cum JANSENISTÆ vocabulo.

Si locutionis, fixarumque mentibusidearum, imperium teneret Theologus, nomenclationi ejus atque descriptioni actutum accederemus. Nam eo dumtaxat, quo describit, pacto Janenistas haberi, & esse, magno duceremus honori. Quid enim generosius, in hoc genere, quam eniti, ut primi ordinis Sacerdotem, Scripturarum nostrarum elegantem explanatorem, hæreticorum, dum vita fuit, expugnatorem egregium, Belgii nostri Episcopum, Academiæ Lovanienfis Doctorem, Virum ingenio acerrimum, judicio maturissimum, moribus integerrimum, omni litteratura expolitum, in perfecta erga Matrem suam Ecclesiam, atque Sedem Apostolicam submissione ac reverentia vitâ functum, detersâ omni hæreticæ pravitate labe, Ecclesiæ Catholicæ vindicemus? Quis nisi severi, ut ne dicam maligni animi, hos conatus, tametsi non cluctarentur, conflabit in vitium? Licet enim, quod absit, aberratum esset in Apologia tam Sancta & Christiana, tam comis error in causa tam magnifica censendus esset apud cordatos rerum arbitros non venialis modo, sed pæne laudabilis. Efficiat ergo (Amabimus) eximia, qua valet, auctoritate, & confœderatarum phalangum locietate Theologus noster, ut ea, quam describit, JANSENISTÆ idea, ab universis maculis suis, & ut Philosophi aiunt, connotatis purgata apud summos infimosque per orbem Christianum obtrineat.

Porro antequam id perfecerit, & quamdiu exoticum hominem, nec sanæ fidei (ut usus habet) personabit vox ista, æqui bonique consulet modestus Theologus, si illam ut contumeliosam ac maledicam avertemur, descriptione sua moderata nequidquam abblandiente.

F I N I S.

Deus dissipavit ossa eorum, qui hominibus placent, confusi sunt, quoniam Deus sprevit eos.

Psal. 52.